

曼

谷

亭

後

集

谷

復仇亭後集卷三

壽陽祁騫藻叔穎

古今體詩六十九首

乙卯

秋感八首用杜陵秋興韵

白髮并州舊翰林城南槐巷臥幽森報

恩自恨無長策垂老空思惜寸陰一卷消磨秋夜夢百年
寥落歲寒心似聞鐃鼓軍中樂仍雜江天月下砧

大火西流北斗斜苦催霜鬢送年華搏風敢望垂天翼破
浪曾浮貫月槎江海壯遊餘畫壁關山清淚落邊笳自傷
遲莫看書眼猶對蕭疏繞徑花

卿雲糾縵託餘暉敢道樞星近紫微驚駕早陪仙仗列倦

禽猶戀上林飛軍書絡繹何時定農政紛紜與願違羸病
此身難自理尙思天下國家肥

對局曾看謝墅棋爛柯歸去亦堪悲如何草長鶯飛處卽
是風聲鶴唳時海上樓船頻報捷江東羽檄且交馳白門
丹旄歸何日手把茱萸不忍思

潯陽九派漢陽山翻覆鯨喙鼉擲間虛見顧榮搖羽扇久
聞王濬下江關詩書望重曾謀帥

宵旰憂深未解顏果使鼉池能奮翼雲臺耿賈卽同班

聞道蘭陽岸北頭金隄又復決初秋居民屢讀盤庚誥樂
府空歌瓠子愁千里驚濤哀澤雁九河故道問沙鷗禦災
捍患資籌策更向徐州望豫州

朝廷鐘鼎已銘功，軍令分明激厲中。
應念糗糧出膏血，要看雕鶚趁霜風。
芙蓉天外空山碧，楓葉江邊夕照紅。
投筆書生年正少，不知矍鑠是何翁。

玉泉西望水迤迤，清濁難淆千頃陂。
斷雁秋來仍作字，孤桐老去本無枝。
堂開綠野休相羨，榻下青苔坐不移。
獨有蟲吟解酬荅，短燈愁照筆花垂。

和漁莊兄贈郭蓮峯明經

巍

童時追步泮宮間，五十年來鬢早斑。
堪羨萊衣娛老境，未妨綺里戀深山。
傳經令子賢能繼，塾角高風世莫攀。
何日登堂重話舊，黃梁應笑客癡頑。

寄懷家適聲三兄

朝駿

次前韵

少小肩隨伯仲間，鴈行鴻爪迹斑斑。采芹歲月思游泮，畫餅功名悔出山。綠野何心謀卜築，丹梯或許共躋攀。他時更約林宗語，老學還期爲訂頑。

丁卯歲同入縣學，今存者連峯及余兄弟三人而已。

和三兄寄姪世齡

青氈坐久不知寒，能守家風是冷官。可惜一灣文谷水，未容重奉北堂槃。門牆藹藹傳都講，華鄂蕭蕭念急難。看取衰翁歸不得，名心宦味也應闌。

送贊臣姪還里

負笈頻年事遠遊，槐花門巷又經秋。微名累汝青氈冷，老別禁予雪鬢愁。有弟不須歌杖杜，生兒仍望致驂騑。卻思紙閣蘆簾下，歲晚誰爲葛屨謀。

宰木成陰待勒碑，抽豪爲寫我心悲。伯倫酒德已爭領，有道銘文無媿辭。近爲定中兄撰墓碑文千里鴻飛歸夢促，一官雞肋報恩遲。小山且莫吟招隱，月滿天高有桂枝。

曉霧

積雨愁難解，秋陰曉更濃。遠將迷五里，高欲蔽千峯。散漫澤中鴈，蒼茫江上烽。幾回揩病目，不爲看花慵。

七月望夜對月憶園居

不見銀河案戶斜，不聞玉笛起鄰家。夜涼人靜月如洗，簾卷天高雲未遮。舊宅蓬蒿香滿徑，前湖鐙燭燦成花。此時側想園西路，灑掃重新市語譁。

十六夜月

非闕亦非盈今宵氣更清鵲巢風暗度蛛網露微明靜得
懷冰意謝賦周除冰靜涼兼搗練聲倚闌仍不寐珍重爲秋晴

擬齷齪詩用韓韵

齷齪悲秋士所悲在薄寒西風滿天地不聞征戍歎半菽
慘不飽壁上忍坐觀哀哉江漢民翻覆隨波瀾鰲鴻將安
集雅琴誰爲彈但有退舍勞無復挾纊歡大河復東決舊
道淤且乾金隄駐使車羽檄如奔湍流離南北間易啟姦
宄端焉得百襲黃布列郡縣官豺狼塞城邑飢鳳辭琅玕
感彼春陵行知音良獨難

詠古

吾慕李將軍年少偶善射猿臂縛鵬手虎氣神變化談笑

刁斗間部曲獨閑暇何無封侯相竟以對簿罷吾觀馮公
孫名與賈君亞鼃池能奮翼大樹恒退舍被羽必先登擁
兵意轉下是皆漢名將前後足方駕廣也名尤著其材更
騰跨儻非殺降羌醉尉笑而赦不必惜數奇萬戶何足詫
馮賈若矜功豈曰無嫌罅亦恐雲臺上畫圖息聲價

散步得句寄三兄

散步南軒下苔痕著屐深晚花明老眼涼雨警秋心忽憶

柴桑里

時讀陶詩

如聞蟋蟀吟故鄉元自在濁酒共誰斟

陽城縣龍泉禪院記搨本題後寄吾宗季聞刺史

龍泉院碑建自周

世宗顯德三年

陽城故屬今澤州愍公導源法

乳衆徐

綸前守澤州司法參軍撰記

王

獻可鄉貢進士後序并書

兩記書亦適當時

慶陵初嗣祚詔毀梵刹驅僧流是院偶存緣幸會至今碑

搨如新修吾宗季子遺張仲

此本季聞之錄贈張石州者

舟齋

石州齋額逝

矣經五秋披冊感懷匪片石念茲時事傷朋儔側聞溲澤

已安戢官軍罷遣民勞休作詩徑報海陽牧

季聞頃牧灤州

故山

瓊蠟仍堪求

三兄寄荅藤杖歌次韵報之

心爲身之君百體惟心使如琴和七絃其妙不在指深山
窮谷中趺然心獨喜所喜非足音亦如客歸里君方厭耳
目返聽而收視策杖鄉國間不隱亦不仕尙篤手足愛恐
其無所倚危行昨豈非獨往今豈是爲問兩藤杖胡與兩
翁比鹿鳴呼其羣鴈行視其齒君以心爲杖秉燭行未已

我以杖爲心邱隅庶可止聯跗本同根豈能久居此誰謂
我無家長缺歸來矣

弇姪寄詩述懷次荅二首兼示蘭孫

蕭瑟悲時事蒼茫念後生傳家一經在樹木十年成甌墮
誰能顧囊空寇不驚所期風雪裏金石出歌聲
如我豈非達祇今惟一身但憂老廢學敢賀貴能貧願子
加餐飯知時有屈伸吾家千里足或許籥清塵

聞雷

今秋氣候煥九月猶雷聲清霜已屆節草木淒以榮籬角
晚豆花紫白高數莖盆菊正及時燦燦舒繁英寒蟬久不
嘶蟋蟀偶一鳴虺虺何處起日暮層陰生方春雉震雉出

地奮乃驚未發機先覺將收氣未平斯理堪互證有孚惟
心亨在天爲鼓鉦在人爲律令折衝以拒難京房易傳雷天拒難折衝
也之臣象協王師征吳楚氛尙惡封豕連長鯨願憑一震威
盪滌還春耕

爲翁二銘太宰題 贈公潛虛先生石室傳經圖

與君昔同直每懷將母思側聞機杼訓更溯趨庭時余以
讀禮歸別君逾再朞及出使江左君已直廬辭轡與侍家
園陳情慰含飴遺我尺素書感歎同襟期輶車泣胸陽采
風職所司文翁講學處石室留堂基贈公嘉慶初年任海州學正青青
衿佩徒經訓勤敷舊二許喬林桂林兄弟皆從受業尤卓犖研精吐鴻
詞祭酒固無雙侍中乃經師至今書帶草餘芳被不其海

邦古遺愛振撫周惇養大儒佐賢牧

時唐陶山先生仲冕爲刺史

吏胥

無敢欺劬躬幾寒暑萬戶飽以嬉民不苦負戴河渠已久

治士不嗟跋涉試院實剏茲

以上贈公政蹟詳戴海州名宦祠記

後學景

前哲樞謁桐鄉祠但恨我生晚無繇陪履綦披圖詹遺像

石榻如布基紛綸錦繡谷中有蘭與芝百城坐自擁一卷

誰手持維時豕宰公方詠循陔詩卽今長百寮論道日孜

孜家聲世濟美文武才兼資

令嗣詹事同書襄辦揚州軍務主政同縣同衙分職兵刑

兩陰德及子孫有穀視所詒回憶澄懷友奇文欣析疑戴

憑許厠席匡鼎能解頤歲月去飄忽風塵衣化緇城南臥

經年廢學老自嗤江海尙波濤南國多旌旗講堂渺何在

鬱洲雲樹滋君學本經術

前席方疇咨濟時念手澤無爲感鬢絲

頒朔日敬紀

服政虛過四十春承

恩幸作退休身日官敬授遵時憲水部榮分逮小臣

子世長備

員工部例

顧時憲書老去怕看兼病久朝來閒坐覺寒新恰逢吉月

陽回早應聽江城凱奏頻

周竹溪七兄年臻八秩以述聞彙鈔四卷寄示卽題

其後且以爲壽

竹翁遺我書云是手所編首述趨庭訓旁徵古儒先其學
惟主敬澹泊無外緣讀詩悟瑟僖戒飲思賓筵勤運陶侃
璧慎選劉寵錢平心觀物理不爲名譽牽說史有三長腹

笥何便便上下數千載節義昭凜然翁言箸書意意不在

雕鐫謂予交最久素心宜共宣蕭蕭舊雨稀落落晨星懸

回思鳳池上仙侶辭彭錢彭村淀園杯酒後不見京兆田

田季高誰云兩黃鵠接翼凌江天道光戊戌歲余視學江左

海州屢征鴻逐倦鳥汾水撫逝川君爲江防同知奉檄勘田

接晤言再離懷展良覲陳迹存曩篇故鄉兵燹餘留此姑射仙冰

雪出古貌松柏非時妍而我汨風塵衰病日糾纏鯨鯢恨

未戮犬馬力已孱永念幃載恩時復肝腸煎披函觸感媿

握管心回旋翁誠述所聞家學繼談遷微言寓治道不徒

老而傳謳思滿江國循績周海壖此鑑足千秋心力窮益

堅賦詩抵稱觴祝翁媿鄉賢潞國固多壽絳叟休疑年

十月六日雨

雷已收聲霜已降初冬又見雨霏微應難破塊成泥淖便
欲漫天作雪飛靜不生塵香篆裊寒偏催客火鑪圍思親
亦有還鄉夢

是日先太夫人生辰

滿眼雲山未易歸

雨舫中丞

崇恩

寄監臨閩中諸詩卽次中秋感懷韵

荅之

槐陰夾門鳥語譁睡起忽覺晨扉撾客遺尺素自東郡紫
雲照眼飛筆花上言掄才值秋賦驛路蟬聲迎使車仙官
合居詩王國閩帥誰識談兵家中言烏斯昔持節渺若雲
漢天無涯歸來邊月墜清夢響戟蕭蕭聞馬槌下言連年
苦徵調歡聲一旦鳴鼓笳蕩滌陰霾出皓魄翦除榛莽攀

天葩鎖院沈深夜光靜岑樓豁達秋氣加感時不覺到茅

屋得句豈知籠碧紗風雨中宵若有思河流一決誰能遮

六郡

曹充東昌濟南泰安武定六府四十餘州縣俱被河患

遺黎尙漂梗萬家沈竈

惟產蛙月色愁心互飛越登高極目山川遐兩篇謔謔手

自寫想見肝肺森槎牙燕臺病叟臥經歲才力已竭心猶

奢自從仲秋得筆札使我巾月思紛拏寒竽已澀學久廢

嬾散亦如官退衙側聞時論溯禹績九河故道淪風沙長

菱美玉力難繼瓠子不塞言徒誇安得兵銷民氣復江湖

舟楫通鹽茶瀾安漕順

宵旰慰廣廈大庇無歎嗟因君寄詩媿瓊報海上明月流

餘霞

朔風

太行極天雪

吾鄉得雪二三尺餘

萬里朔風來歲晏起邊思蕭條亦

壯哉寒吹河水立

山東水菑發帑賑卹

疾埽陣雲開

廬州德安屢有捷報

中夜

不成寐如聞鴻雁哀

葱冬草今之金銀藤也竹冬生艸也天寒風厲木葉

盡脫籬梢窗隙賴此點綴檢書偶觸詩以記之

嚴寒氣閉塞衆卉日以槁庭槐臘乾葉疾風過如埽短籬
枯蔓纏翦弃任欹倒不謂荒翳中留此葱冬草南窗數叢
竹冬生亦自好病叟坐擁鑪讀書嬾搜討偶繹浹長說一
字已足寶惟忍乃有濟生機常在抱雖云草木微秉性關
大造城東有喬松蒼翠不知老城西有古柏鸞鳳森羽葆

得天固獨厚栽培亦有道
宋募城南隅幽棲隔蓬島
回看桃李華春風豈不早
方慙陶令菊敢覓安期棗

顧祠聽雨圖爲王子棣

鴻題并序

亭林先生康熙初年曾寓京師
慈仁寺道光二十三年何子貞編修

紹基

勾贊建祠於寺西偏
次年落成

同人致祭自是歲以爲常
張石州

穆

重輯年譜刊行

於世

名冠儒林傳書尊學海堂

儀徵阮文達公在史館日勅纂儒林傳首載亭林總制兩粵刊

國朝諸儒經解於學海堂亦以顧書爲首

大賢關世運餘事付文章
兩馬游

應勸雙松徑未荒至今過古寺如謁鄭公鄉

往者城南會羣儒步後塵聞風神契久聽雨客來頻每讀

編年錄遙思墊角巾雲臺留故事侍坐有傳人

亭林因朱子曾寄錄

華州雲臺觀倡建祠堂先生歿遂奉以陪享今顧祠附石州主亦此意也

冬至日與喬硯鄰

守典

趙心園

復正

甥張奉世

孝瞻

族姪孫質卿

友直

及兒子世長觀齋雅集以九日溫

一經爲消寒之飲紀之以詩

今年冬不寒硯滴尙未凍連日朔風厲林鳥晴猶哢幽棲

鮮車轍客至無迎送晝短喜夜長讀書破餘夢況有二三

子時共柔翰弄梅圖初點萼菊醴新開甕消寒例可勘吾

意託吟諷尋溫繹古義

溫故而知新注讀若尋溫之溫服虔云尋之言重也溫也寒歇也

微陽協律中溫經似溫酒心醉腹不空九日溫一經積少

以成衆爲善日加益良玉出磨礱江湖方有事幾隳雜煙

霽吾儕坐擁鑪插架書連棟故紙守殘蠹新枝慙老鳳卽
此惜分陰差勝杯酒閑

偶於世長案頭見余館課舊作小楷一卷題後

翰林元是神仙侶碧落三山記姓名長日如年無箇事卻
將閒詠答昇平

羽書金鼓喧馳後藥裹繩牀老病餘食盡人間無用字可
憐辛苦作蟬魚

要礧課誦圖爲王定甫

錫振

農部題

海王村館從簞句龍壁山房述舊文萬里風煙鄉樹外斷
碁孤雁不堪聞

鄰里猶傳賈侍中六經讀了尙兒童嬋媛太息還宜笑看

到然鬢煮粥翁

讀尙書

尙書終二誓不爲魯與秦軍律首無譁氣銳心則馴戎器
無不善鍛礪皆精純逋逃及寇攘常刑令必申然非糧芻
足指臂奚從身古之善將者甘苦與士均使功且使過謀
帥惟得人三帥旣喪師殺塞無隻輪謊言實誤國豈若黃
髮詢有容德乃大賢哉一介臣榮懷與机隄利害關斯民
所以兩篇書垂戒言諄諄聖人有微義後世宜書紳

葉雲素先生種藥圖遺照爲潤臣舍人

名澧

題卽寄

呈東卿世文崑臣簡相二首

握衣昔謁南園宅煮茗新嘗子午泉

公居虎坊橋竹垞集所謂南園者也宅有

子午藥籠再傳收小草寓甲戌會試座主寶獻山先生出公門下茅茹初拔湖

丁年公與先大夫乾隆丁酉選拔同年一家陰德關培植三世清芬許接

聯曾是涪翁門下客彩豪親見出黃筌黃在軒水部補作此圖

蘭臺載筆侔官禮公直軍機嘗總纂會典前後二十年成書千一百卷遠出唐六典歷朝旨要之上

上竹館藏書付子孫平安館收藏書籍金石甚富周漢古泉經博攷炎

農本草更重論公予東卿丈博學好古嘗編校古泉彙攷一書又撰月令物候及神農本草經贊

酬庸蒲壁門閭大養志梅羹鼎鼎尊公孫崑臣節相前以海圖助晉男爵東翁

就養粵東節署總為靈光流澤遠駢柯叢玉蔚同根姑林館集得孫詩有駢柯

玉叢之句

三世授經圖為孔秀珊舍人憲彝題

紗幔傳經六十年一堂三世澤長延褒城舊學家聲在文

舉高名母教先燕喜門庭多壽考春暉圖畫擬神仙知君
壁有金絲奏不羨人間百兩篇

雲山別墅吾鄉京官淀園公退之所金陵尙書何恪

慎公舊居也余嘗爲書寄舫題詩於後乙卯之秋公

子青耜農部兆瀛重過感懷題詩見贈次荅四首

猶記柴扉傍

液池退朝觴詠集於斯十年畫舫留題處一榻僧寮對影

時時余寓雙橋寺傳舍不知誰是客角巾無意再尋詩請看車轍

門前路苔蘚斑斑在井眉

樓霞江上放船回舊雨花間埽徑來北向雲山心共寄四

圍金帶手先裁牡丹芍藥皆尙書手植披襟每倚藤蘿月起草仍留

蠟炬灰付與空堂吟蟋蟀便教鄉夢到臺駘

壺中日月洞中天紫府官曹許接聯爽塏已辭齊相宅

尚書

再來京師特蒙賜第

衰庸休問絳人年故園一別難回首何日三

軍得晏眠各有蕭條羈客感白門煙樹總悽然

久聞何遜工詩律曾共山翁把酒尊寶劍未逢吳季子叢

臺空憶趙王孫連珠古錦紗籠句破壁寒鐙屋漏痕獨媿

桑榆羸病叟閒居猶荷

九重恩

歲莫

宣南老屋歸來後一十三回月上弦夢裏不知身是客閒
中翻得日如年舊存衫袖餘詩本新賣園廬致酒錢歲莫

懷人轉蕭瑟江雲關雪兩茫然

夜雪誌喜

孤坐知夜長燈花照無睡青熒紙窗外瑟瑟聞埽地起問
忽驚笑雪已三寸漬捲窗月宛在周除淨且膩對霰若倒
垂密不辨鱗次寒林出枝柯獨立亦自媚鵲巢挂其上風
靜危不墜回看鑪火暗細撥膾微熾胸中如有詩沈吟了
無字移鐙就短几筆硯怡安置瓦餅餘宿酒冷吸未能醉
烏鳥聲漸喧詩成不盡意翻惜披衣遲清景難追記

不寐

紙窗不宥白櫺聲如此長披帷鐙已灺觸壁手先僵昔昔
愁多夢寥寥歎未央家人暗相怪老病若爲忙

讀竹垞題畫詩寄懷錢唐戴鹿牀侍郎二首

湖塘花鴨任參差不著紅衣作釣師誰料風流百年後姓

名早被竹翁知

竹垞詩用戴嵩徐熙故事與君姓名恰合

一別雙橋久未還萬松深處有柴關

君嘗爲余作雙橋精舍憶松兩圖孔

賓歸去如相憶更寫天涯數點山

讀毛詩

四座且莫喧聽我土風操唐魏十九篇遺風自唐堯姚姒
所舊都俗儉民不忮葛屨傷褊急蟋蟀思憂勞自從吳季
子聞樂歎且褻中間數千年磊落多英豪地以邊塞重兵
氣苦未銷我

朝中外一安堵無驛騷代朔在戶庭何況近沃饒前年狐

免竄偶見貍虎驕猶堪藝黍稷幸未摧椒聊軍儲雖云迫
室家免漂搖蒼茫江漢間慘淡嶺海交人煙斷城市鋒鏑
餘逋逃彼汾一腐儒憂病心鬱陶讀詩念鄉國伐檀媿朋
僚誰謂我無家十畝忍逍遙勸君一杯酒君醉我且謠無
爲歌采苓羣賢方盈朝無爲歌碩鼠卽此是樂郊

鹿尾

數典每餘崔劼恨

魏崔劼以鹿尾不見書籍爲恨見酉陽雜俎

分甘曾入楚材

詩耶律楚材詩鹿尾分甘賜上方

卻從醞舫青鐙下回憶官羊法酒時

朱竹

坵有鹿尾詩

三兄寄示與劉雪巖

集

秦紫瀛

東來

閻夢巖

汝弼

倡

和詩次贈夢巖韵奉荅四首兼呈三君子

老鳳棲何處年來埽舊巢
室家徒壁立書籍尙瓊包

去年臘月

自城內移居城南

坐有閒禽集門無過客敲開緘得佳句千里慰

神交

珠雙仍出蚌鳩七尙爲巢此老如彭澤

淵明有命子詩

生兒定辭

包頻年璋玉弄他日釣針敲賀客休相避

兄詩自注云七旬生子避人偶

賀觥籌且錯交

羨君文字飲憶我隱居巢無肉從王劭能書得衛包連篇

頻唱和一字互推敲除卻羊求侶元卿孰與交

紫氣凝函谷

紫瀛

雙巖出燕巢

雪巖夢巖

地偏心共遠詩好義

兼包龍劍終當合霜鐘且自敲春風如有約埽徑待蘭交

明春公車北上

前詩意有未盡再次二首

極目江楓岸驚心越鳥巢空聞馬革裹不見虎皮包師老
難供億民窮忍扑敵何時征戍罷平秩及南交

黃流奔竹箭黔首失檣巢久已田廬沒何由草木包地鑑
添絮擁窗雪任風敲衰病多慙恨回腸日幾交

眉石老姪寄我六無詩賦此解嘲

眉叟遺我六無詩愁比馮驩仍倍之無車徒步尙可出無
米何以爲農炊無裘猶有緼袍在無廬風雨良可悲悲莫
悲兮病無藥但得良友如良醫如何交絕並無朋朝暮出
入形影隨惟有吟詩自酬答詩成獨立聊示兒更緘尺幅
寄千里阿叔雖病神不癡平生口不問生計垂老無家歸

無期江湖浪高鴻雁斷慘澹南國多旌旗雪窗燈火照殘
臘往往掩卷如有思眉叟今年六十五吾夢與子爲兒嬉
鄰雞驚起見手札問叟鬱鬱將何爲有詩送老老不衰有
子誦詩心亦怡六無母乃自嘲怪報以二有當解頤人事
有無那可料浮雲白日相奔馳且留青氍褕裹書帙往就山
館拈吟髭明春吾姪將就館上黨得詩還寄髯翁知

吳仲昀中丞同年寄示花宜館詩稿奉題

一官來往黔蜀滇七年得詩三百篇

丙午至壬子歲作

秦關回抱

已通晉

君時移節陝右

越鳥倦飛猶戀燕天寒道遠得詩卷細字

斜行品題徧縱橫老筆出波濤盤錯深心入研練天涯明

月西溪花萬里宦游何處家摩挲玉硯蟾蜍淚悵悵銀河

牛斗槎當時邊傲猶無事楚粵軍書已紛至春明再別無
好懷華髮相看各顚顛邇來詩興何闌珊三載眠琴不忍
彈得母心比杜陵苦有病呻吟良獨難書用來書意感君遠寄一
囊藥尺素殷勤記前約同年衰老得相憐滿目瘡痍向誰
託古驛荒涼逼歲除集中有除夕宿壽陽驛詩客懷鄉夢轉愁余雪窗
賴有寒鐙伴吳札詩歌陸賈書頃得陸小雅同年保陽書并寄長句

十二月十八日

恩賜

御書福壽二方恭紀

龍牋雙捧自

天來拜

賜年年媿不材

御筆書春先十日

二十八日立春

卿雲扶影下三台
退歸已似桃

符換灑埽仍教竹
徑開卻顧衰羸

恩未稱願將

福壽普埏垓

題何子貞

紹基

游峨眉瓦屋詩卽次其題
仲昀詩韵

奉寄二首

身是峨眉瓦屋仙
仙心早結未游前
那知搔首驚人句
得自褰衣去郡年
石室講堂餘舊政
儒林循吏待誰編
無端又作咸陽客
玉井蓮華信有緣

新詩傳誦滿都京
披卷終宵夢不成
初訝登臨太僚慄
細

看進退本分明巖書未許樵蹤祕石髓應知仙骨清翠埽

寒堆親眼見茲游真合冠平生

屋寒堆春後雪裁眉翠埽雨餘天東鼓句

僕人李元錢唐戴侍郎舊綱紀也服役八年勤謹不
懈比年閒居無事念其舊勞薦往浙江學使幕下低
徊感戀不忍辭去作詩示之并寄侍郎

駱馬悲鳴紫陌塵樂天爲爾亦酸辛西湖湖上騎牛客猶
是春明舊主人

鄉人送酒

燕臺殘臘對孤檠淩水新篳致一罌縱比杭香差味薄猶
欣黍地有人耕雲中雪菌盤先釘河曲冰鮮釜共烹欲請
比鄰互斟酌竈觚圍坐話深更

祀竈前一日

疊送酒韵荅海州喬研鄰和詩意

江船夜泊照長檠曾汲中冷水兩罌一自浮雲能蔽日便
教戰士不歸耕石頭虎踞頻聞捷釜底魚游且待烹終是
鬱洲堪避地成樓今已罷嚴更

研鄰心園饋歲再疊前韵謝之

凍藥齊開四照榮醇醪直溢五升罌春來此夕拚同醉老
去何人同耦耕縹杏香清宜北酪花豬味醢抵南烹看君
各鬥詩牋富令我渾忘歲籥更

除夕三疊前韵

此身已負讀書榮此腹真成注酒罌詩草多年無可祭硯
田晚歲那堪耕衰顏暫共唐花發病味偏宜苦茗烹客裏

不須頻問夜天寒有鶴早知更

漫齋亭後集卷四

壽陽祁窩藻叔穎

古今體詩五十九首

丙辰

元日示世長

去年元日晴今年元日雪自我居城南再過立春節

朝廷憫衰病

恩禮及朽拙

宮胙已疊頒

前年十月假中去年正月二月十月均蒙
賞餼故事宮中祭祀大臣等賜食肉於

臣

坤甯宮其請假致仕諸
賞餼乃特恩也

宸翰更雙揭

兩蒙御筆
福壽之賜

退休無寸補感媿心內熱汝以

任子

恩亦厠水部列春闕仍計偕郎祿早忝竊浮榮不可希學
業不可輟讀書在明理非徒資口說文章闕性情致用乃
爲切況今時事艱寇賊尙未滅汝壯其勉旃吾老力已竭
杜陵示宗武柏酒歎飄瞥極目大江東浩歌猶激烈

自題致仕六十二歲小像

十州三島記前身老去仍游浩蕩春惜取吟詩閒歲月觀
翁已是再來人

人日穀日大雪用昌黎辛卯年雪詩韵

庭柯僵無風烏鵲夜不歸遲明出門看沈陰天四圍平地
已一尺九衢雲亂飛維時孟春初花絮迎青旂闐闐門綵
勝襍襖霑農衣或云日丙丁火乃水之妃陰陽亦有戰其

勢如發機或云蔡州捷此兆豈其非

高殿方升薌

初九日上詣大高殿拈香

皇心敕時幾應念麥畦寒養茲春氣微

春初蔣霞舫府丞

達龍翰臣學士啟瑞

錢萍石大理

寶青

王少鶴農部

錫振

雪中過訪盤桓竟日用少陵

人日兩篇韻奉謝

春槃初薦日春雪再飛時共作他鄉會無嫌退食遲忘形

隨主客醉語雜歡悲鬢頻相就羞看翦綵絲

攜酒恰於花市近題詩聊作草堂看

草堂小秀野花市下斜街何子貞爲余書

楹句

新春冉冉雁將至舊雨蕭蕭天尙寒戰鼓似聞江上

捷儒冠還喜坐中彈不辭最後屠蘇飲塵世相逢笑口難

彭詠莪協揆以紀

恩詩見示次韵奉賀二首

漢殿通經井大春金甌協卜豈無因定知帷幄論思久更

羨風雲際會新師弟同朝三獨坐

公與葉崑臣相國乙未同年俱出孔修相國門

下同拜颺浹日雨

恩綸

宣麻後卽奉筵講官之命

經似聞黃閣

宣麻處已有彈冠相慶人

簪豪香案幾經春出入聯鑣亦夙因一臥城南霜鬢短回

看天上日華新詩成珠玉分堂帖

頃承分惠春帖絹箋

雪壓蓬茅憶

釣綸極目江湖心萬里同舟還望濟川人

曩讀昌黎壽陽驛鎮州將歸二詩疑唐語林邵氏聞

見錄之說不足据作詩正之茲得廬刻箋注本引明
蔣處士之翹說先獲我心更成一律

荒倉已誤子方祠

田子方誤作野舫

野說還誣杜拾遺可笑蚍蜉

空撼樹何曾楊柳解箋詩韓碑謗議今安在唐石傳聞孰

見之賴有蔣生堪共語求羊異代得心知

縣志載州牧陶易和韓詩云馳

驅王事敢懷安措大惟知半臂寒笑煞語林工附會春風

要爲典

霞舫以近作見示即用其和翰臣舊韵二首荅之並

簡翰臣萍缸少鶴三君子

大雪春窗話翦鐙年來此會幾人曾天邊旅雁仍排陣冰
下寒魚未挂簪深巷重過迷舊轍遙山一帶見高樓草堂

應記題詩處鄰舍花開卽馬塍

檐角朝晴日影篩小山朗朗透書帷雲開已有龍銜燭風
定先聞鵲噪枝夢覺春回如啟蟄病隨寒減不關醫知君
埽徑延三益載酒還容借一鴟

春寒

春寒如老人日出慵不起南窗照亭午凜冽猶未已元日
至穀日積雪聳階砌無心得小山高與竹籬峙狂飈忽亂
吹檐瓦露齒齒堂花色慘澹與舊不相似爾本馬塍種爭
妍早入市何如二三月灼灼伴桃李連日天放晴烏鵲聲
驟喜春氣已發生煥回寒自止亦如秋晚熱履霜漸及趾
春寒不必愁秋熱不足恃卽此例老境老境可知矣

藍公教織歌

冷壽陽春晚無花秋早霜山農卒歲苦寒逼但知力畊不
知織自從藍公宰吾縣男製紡車女紡線大布著身衣裝
棉春風一吹三百年藍公下車初念民勞且愚魏風曰縫
裳唐風曰曳斐蠶桑雖不事木棉亦所須摻摻彼女手胡
爲不織與民曰無織具公爲置工作臧祚切民曰無織師公
爲置女傳置傳數百家置工數十處十日一張機五日一
匹布以棉作布布易棉工精布細勞以錢貧家棉少錢不
足官困更指麥與粟藍公來自膚施明之季萬厯時秦中
鉅族擁高貲棉萬斤布萬匹金多不知幾千鎰前車載滿
後車溢毀家爲民謀家室一年織事成兩年獄訟清三年

機杼不空鳴。簞鐙萬戶聞書聲。廉叔度來何暮。昔民無襦。今五絳朱仲卿。葬桐鄉子孫不如民。奉嘗前人遺愛。後人表藍公去後。知者少。若非吾鄉張君手自記一紙。收藏始順治我公苦心何所寄。邑乘寥寥數行字。馬首老農老更慵。作歌猶能歌我公。公傳宜補循吏中。公祠宜傍泮水宮。大書深刻碑穹窿。要使城鄉市鎮九十有二所。人人歌舞公之功。君不見韓公亭月團團。苦說邊城特地寒。藍公衣被在四境。行人莫愁壽陽冷。

附敘織記

藍公諱尙質。陝西膚施縣人。由選貢萬曆十九年知壽陽縣事。公本膚施望族。甫蒞任。覩壽邑地土磽薄。人民

貧困冬無棉衣夏無布葛憐此邑不諳紡織也乃出私財數十餘萬廣募陝西四方習於耕織之男婦數百戶每村設立一家給以廩餼公之親戚住村者男以官稱之婦以官眷稱之男童則延師訓讀女童亦有婢女侍候鄉鄰偶有爭論者每爲勸諭息事和解不費民間絲毫之力公之親眷俱待以官衙之盛設公之衙署乃與民間勤儉之戶相同公克己恕人感化親朋助公施教公之在任也男教鄉民造作紡織之器女教鄉民之婦紡織公之親眷皆令以花換布邑人謂棉爲花每布一斤換花二斤五日一布賞錢二百欲紡織而貧困不能得花者公另賙之不三年翕然皆紡織之戶矣士庶人等感公

之德獄訟一空治行爲當時之最至今民賴其利家有
杼機而不知公之遺教也蓋公德澤及於人者甚深且
遠固不以世數計矣邑人素不知外出貿易公教以肇
牽服賈至今雁南生理公實始之思公之德不但宜立
祠堂歲時致祭卽合邑人家均宜設主供奉以報遺愛
也順治六年正月初十日生員張所賦謹記

上元日口號絕句四首

昨日春風掃雪堆春花吹向夢中開無端跳出青簪枕又

入槐安國裏來

所居多
古槐

豈貪花市住斜街豈愛書巢闢小齋書卷紛綸看不了花
枝撩亂惱人懷

郊扉寂寂抵山村鄉國迢迢付酒尊聞道旗亭饒鼓吹解
歌元夕奪崑崙

七九人逢七九時一年添得一年詩若將九九論年歲老
去吟詩也未遲

磐石三章爲汪嘯盦給練

元方題照

盤盤之石上有修柯春剪其華秋葉婆娑其節孔多其實
孔嘉豈無灌木念茲匪宅

盤盤之石嘉樹扶疏其下維何有圖有書孰讀其書孰息
其廬豈無良朋慨獨在余

東有喬松西有古柏其室伊邇眷茲嘉客匪德曷鄰匪道
曷宅靄靄停雲在彼磐石

嘲落齒

吾髮初白時時自聞海回髮白齒亦搖壯齒且漸摧下斷
雖無恙其上餘六枚戶牖聊復遮牆壁左右墮左壁殊可
笑剝落垂半坯初覺勢齷齪久乃忘頰顙輔車旣已盡嗟
爾奚爲哉硬肉與大餅眾口聲鳴雷爾獨何所依寒齏咀
寸莖終食不得飽旁觀歎且咤欲藉眾齒力爾無剛決才
黃髮有見齒爾背徒成駘齒亡舌尙存爾豈能嬰孩惟有
案上書佐以饔飧朝讀數百字夕酌三兩杯齷然送白
髮與爾歸去來

長椿寺閒步二首

藤不藏蛇槐舞蛟金英尙記坼霜苞自從九日登臨後門

飛春寒始再敲

竹垞有重九後一日雨中集長椿寺詩

夏蟲似可語寒冰故散天花到雪塍

如月長老以非時瓜菜見餉

偶向

水齋參塔影不知過了上元燈

明萬厯中因水齋禪師建寺有滲金多寶佛塔高一

丈五尺

庭樹鵲巢將成詩以祝之

朝睡誰喚起屋山鵲楂楂披衣晒庭柯新巢營舊槎銜枝
遞來往側翅淩風斜衰翁顧而喜喜爾有室家人前致
詞爲翁祝且誇願翁舊疴痊麋壽年有加還爲翁兒祝瓊
林萼春葩南陔盈尺地玉立蘭生芽阿翁目笑之吾笑汝
知邪翁亦有所願願天無風沙願地有麥禾願人無病瘥
更願盜賊滅江湖出犁耙乾鵲似解事飛噪來檐牙知翁

若有祝祝比豚蹄奢

堂花二首

萬歲桃根海上蟠
賺他曼倩忍飢看
開花結實尋常事
偏是仙家若許難

恐是衰顏得酒丹
慙教秀句出清寒
春風可便能長駐
擬下重簾作畫看

陸小雅同年臘尾寄贈長句
今春復示詩稿卽用其
逆旅述懷詩韵奉謝二首

客懷愁對月團團
忽枉詩筒迫歲闌
舊雨賸君知己少
歸雲憐我濟時難
事如斷繭終遭縛
心已殘灰未肯寒
白髮江南餘陸愷
折梅辛苦寄長安

五載徵兵更練團軍儲悉索已將闌

主恩深重慙無補時事艱危退亦難冰鑑幸邀秋月朗雪
窗如話夜鐙寒少陵詩史真堪惜猶爲蒼生策治安

寄懷新城陳子鶴

字恩

司寇

時以太夫人喪在籍

尋陽陶桓公都督歷八州當其未遇時清風侍帷幃雙髮
出酒肴慷慨嘉賓留終來兩仙客化鶴凌滄洲廬陵歐陽
公母教亦有由曾聞畫荻訓文與韓陸侔陰德高門閭治
獄無冤囚至今瀧岡表讀者涕泗流新城大司寇當代陳
太邱緬惟鄉先哲高步追驂騑

兩朝直樞密

前席資運籌抗疏請歸養北堂馨膳羞前年粵西賊侵掠

彭蠡舟遂窺豫章郡漢火及城樓君時奉母居仰念

宵旰憂出與中丞議繕治無弗周狙擊狐兔輩快如鷹脫
韝一鼓殲其魄再鼓梟其首三捷氣益壯羣凶悉虔劉郡
城門四開軍威速置郵中丞上其績

天子嘉乃猷翩然角巾歸循陔色怡柔歐母七十二封贈
尙未優陶母就養時江夏仍郡侯君榮極祿養中歲簪已
抽母壽躋大耋家園娛宴游昨者赴書至自云恩未酬寇
賊況未滅賻貲奚所求君誠識大體子職固已修終當爲
國用兵戈猶未休嗟子老且病媿憤思愆尤永負

君親恩僵卧城南陬徒懷死喪威弟骨何時收妖氛纏江
湖焉敢望田疇師門一回首紗幔驚松楸生芻不得束何

以申牢愁當時同直侶凋謝今寡儔存者天一涯霜雪欺
白頭君年且未老

朝廷待客詆運甓集金石歲月方悠悠寄詩爲君慰懷哉
陶與歐

鐵鑪

官齋地鑪多用銅用鐵者惟農商工五金之品有上下銅
似土行居其中自從粵寇擾吳楚銅船東來江路阻襄陽
改道紆且艱陸運費十不償五滇礦衰薄出已稀出亦無
錢給礦戶是時銀貴加鑄錢以錢代銀如流泉京帑月需
五十萬錢稍不繼眾騰怨內府銅器盡頒發王公官民各
呈獻一斤以上令必輸銅店不懸高鼻壺從此官齋坐客

處不用銅鑪用鐵鑪鐵質堅疑價復賤太行山徑產鐵線
朝廷更置鐵錢局百鑪鼓鑄資民便近聞鐵價亦漸高輓
運既多開採勞農家犁鋤苦不足何日買犢賣劍刀此鑪
止宜作錢冶厥品不在三金下煎茶煮藥胡爲者吾將舍
爾用陶瓦

題王定甫龍壁山房詩稿二首

文章出入杜韓間壯歲憂時未解顏孤憤一篇詩史在北
征終合勝南山

仙人縹緲好樓居

君園直居拱辰樓

拄頰看山且讀書不用詩成

愁獨立退朝尊酒卽鄉閭

朱伯韓蔣申甫霞舫龍翰臣皆君鄉人也

蔣申甫京兆

琦淳

見和雪集詩並示演耕之作次韻

奉荅二首兼簡霞舫府丞

舊夢巴山夜雨燈
鹽官佳句紀游曾
於今鳳翽方巢閣
猶念魚勞未脫簪
風轉青旂花簇簇
雪銷千畝玉棱棱
春來已有豐年象
新柳含稊麥吐莖

衰病經年伴藥篩
枕書寂寂下重帷
詩筒忽枉雲中簡
客徑猶縈雪後枝
判牘人方推大筆
折肱我已媿良醫
江湖共盼紅旗捷
掃盡煙塵卷畫鵝

消寒九集喜吾鄉
孝廉任挹春

熙躬

白夢蓮

長庚王

新甫

煥

公車來都卽席奉贈仍疊前韵二首

回首風檐倚短鐙
少年塗抹記吾曾
昔如過雁留泥爪
今似寒魚謝釣簪
鄉夢祇憑松入畫
客衣初脫雪生棱
何期

共醉南窗下
早韭春盤翦凍脰

燕巢蛛網暗塵篩
灑掃新開董子帷
小住槐街春滿坐
斜穿竹徑翠交枝
消寒更喜羣英集
卻病無煩七發醫
堪笑鑪頭煨芋叟
十年已誤讀蹲鴟

春日坐睡

春雪半消南牆陰
春雲搖蕩愁人心
春風翦雲不成雨
春雨穿風如亂鍼
一日陰晴再三變
一身冷燠誰爲斟
倚窗坐睡送斜日
門外春泥深復深

花朝雨雪

似雪非雪窗竹聲似雨非雨
衣棱生拈花仙子破空笑擲
米作珠何太輕
栖煙早鴉睡不起策策空庭聞曳履
開門

借問此何時百花生日春深矣春深春淺總無聊回首江
南花亂飄雨絲雪片紛如織楊柳愁心千萬條

送張甥孝瞻出都

甥出關石州先生

吾甥來京師自冬迄春仲壯年困奔走尙不廢吟諷吾病

已逾歲江氛時入夢況此三年間骨肉有餘慟

二弟六弟先後卽世

汝母聞亦衰飢石愁屢空汝又爲飢驅往來徒倥傯卽爲

餬口計汎愛誰及衆賢宗念親舊

舍父大令

驚駕許隨鞍汝父

書在篋豈逐流俗聞流俗嗜好多不止暝酒甕喜汝知立

志如玉就磨礱瀕行以詩別東風已解凍吾詩汝莫忘千

里含淚送

張詩舫侍郎手書雪浪石詩正定大銅佛歌見贈卽

次坡公韵奉和

雪浪輦自曲陽屯恒嶽北拱銅佛尊成德義武古軍壘風
沙往往迷朝昏去年官軍定河北宿麥雲連千里村輶軒
使者雪載塗筆陣橫埽燕趙門松醪一醉看飛雨水墨融
入詩畫魂更因佛像悟錢法成毀孰是慈悲根詩中用周顯德毀像事
鑄錢銷鋒鑄鏐豈有意古事如夢今無痕片石亦具龍象
力兩篇奇句堪並論宣南病叟感舊雨春花卧窗魚上盆
巨然坡老坐相對頃貽畫一幀臨巨然筆鄰徑還聞松菊存陶亮菊前輩亦

時有唱和

詩舫復貺和章再荅

走馬昔過細柳屯回瞻太華三峰尊贈行詩冊照懷袖六

載不受風埃昏君歸再出我僵卧城柝漸遠西郊村那知
詩翁憐病叟花朝雨雪頻扣門江湖浪高箭滿眼雁陣南
北勞征魂往歲東游共橐筆觀海欲採扶桑根金仙玉女
工閱客春影對搔霜鬢痕來詩有玉女秋邊亦霜鬢金仙衣上無塵痕之句維摩
示疾亦偶爾尊鱸鄉思奚比論慙將好詩荅休沐惜無舊
雨傾瓶盆清明食筍有故事怡園翰墨今猶存道光癸未清明日君以家藏文敏公怡園看花詩卷請食筍齋題句同人俱有和作

詩船三和蘇韵見示次雪浪盆銘韵奉謝

君於文敏爲從孫玉虹奇氣凌川原動搖五嶽波瀾翻筆
墨中有元精存黃鍾大呂撞瓦盆松苓乃纏蒲柳根强摹
石畫哦七言古惟坡老今伯元近來阮氏石畫蓋仿雪浪遺意也

奉和詠莪樞相春雪初晴玉泉山見懷

曾記山椒紅葉秋聯吟駢騎奉

宸游林巒入畫春仍駐珠玉揮豪興未收講幄晴餘香案
靜詩筒遠寄草堂幽卻從塵海瞻天上桃李門高接十洲
再次春寒述懷二首

詩來晴色徹林霏烏鵲聲閒得所依

君相憂勤天可補未煩金木驗穰饑

文書堆案苦相仍想見憂時擁鼻行浩浩黃流何日復睢

陽從古是巖城

時穎亭拾匪
擾及歸德

瓶花

今歲春寒特地加連朝晴日上檐牙吹噓可借東風力二

月清明已見花

未妨宿麥出陵陂認取山桃點故枝惆悵花朝三日雪膽
瓶爲爾注多時

爲孫駕航

楫

題馬文介梅花畫扇卽次自題韵

冰雪爲心鐵作枝孤標元不惜春遲澄懷舊夢堪追記晚
節清名已早知花落江城聞玉笛風飄大樹起靈祠山陰
題扇尤難得披拂餘芬好護持

文介諱培元官
湖北學政尙難

附文介作

東風吹煥到南枝殘臘初回日漸遲晚節自能留歲暮
清名久已畏人知崦西山遠花成海湖上春寒鶴守祠
茗椀鑪香新位置手撈苔萼插軍持

屋角桃花盛開得二絕句

小桃何事獨先開殘雪栖枝夢尙猜偏是奔蜂得消息輕
紅塵外破空來
看花須及未全開倚樹沈吟卻自猜昨夜春風翦楊柳不
知捲地爲誰來

烏啼詞

陌上青驄花滿隄垂楊何處一枝棲好風偏是西南緊不
怪林烏夜夜啼

奉和陶鳧香少宗伯前輩卽事二首

世推雅頌揄揚手天與夔龍彊健身八秩趨朝仍策騎六
官分職獨司春名高洛下耆英會畫入吳中團扇人笑我

幽栖似僧舍長椿吟望又慈仁

老松閱世歲寒禁閒看桃花自作林未便五湖謀一舸且
將百簪惜分陰瀛洲草憶青袍色幽澗泉聞綠綺音欲向
華陽問丹訣媿無瓊玖報南金

春莫慈仁寺觀古松佛像歌一

方春萬花洗眼新吾獨泊兮其無鄰街西古刹鐘鼓靜舊
夢一覺緇衣塵經年卧病不出門小屋打頭書等身清明
上巳爛漫過老松孤鶴閒看人蹉然足音落空谷支離乃
與霜鬢親豈無梨桃百餘樹逢時鬥豔難比倫翠濤不飛
紅雪凍風日亦解憐晚春鏡臺坐觀大自在寶冠綠帔天
容眞傳聞窻變現空相

義畫讚詠千載珍

竊變觀世音像
乾隆御題

華嚴勝境入圖畫雷雨

滿堂驚鬼神間陽布衣一彈指甲子再周如轉輪

勝果妙音圖經

橫數丈乾隆甲子歲四月
八日傳虔奉敕指畫

佛卽是松松卽佛花雨散漫龍

鱗皴亦知天女本無著孰令墜涵還登茵請看毘盧最高

閣化作隤阜埋荆榛老僧面壁二十載平地欲起山嶙峋

戒師於廢閣舊址累
土爲山種松成經

倚松拈花若微會法有生滅時屈伸

西峰遠色下城郭門外流水車麟麟

立夏後一日長椿寺牡丹初開漫題二首

香車寶馬門如風占斷天街十里紅獨向空王禮優鉢闌

無人處兩三叢

縱無風雨曉猶寒尙有蘆棚護曲闌培植一年開十日人

間富貴作花看

平定董生

勤方

其父客游卒於廣西之宣化縣兵氛

遠阻隻身往尋歎其孝行篤至贈之以詩

上艾諸生董念于尋親不憚厯艱劬直從縣蔓水三折行

到崑崙天一隅

崑崙關在宣化縣東北百餘里

莽莽兵戈送君去栖栖旅

櫬有神扶古人可作今無媿朱壽昌兼何海虞

念于熟精朱子小學

故用二事例之

送吾鄉孝廉鈕松齋

增立

白漢西

長庚

趙錫三

承恩

王仲文

煥

還壽陽

右目昏昏左耳聾燕臺留滯一衰翁年拋種竹栽花外心
付歸雲夕照中莫道文章難遇合似聞兵氣漸消融何堪

送別春明路鄉思迢遙逐還鴻

送三姪世齡還文水學舍

阿兄莫怪久盲聾阿弟居然一病翁望汝健爲松柏後生

兒超出渥洼中寄書我更慙王昶

魏王昶誠子弟書蓋效馬文淵作

薦士

時方慕孔融何事年年暫相見來如春燕去秋鴻

潤臣示觀吳蓮洋墨蹟爲書卷後

翁覃溪先生跋乾隆壬寅夏得蓮洋

此蹟其秋屬安邑宋芝山爲圖子併臨此段於其後云云此卷宋圖翁臨皆不存惟卷首翁書河聲嶽色

四字耳

曾誦蓮洋詩未見蓮洋書蓮洋澹蕩人栖隱中條墟屨提

老居士偶以詩相於低頭拜東野且謂吾弗如當其被徵

聘早厭承明廬題扇謝鉅公狂態故自疏卽今覩遺墨想

見胷中儲儒生譚神仙何礙董仲舒杜老惜房相交道不
改初尙愛右丞句感慨爲歛歔養拙信可樂膏薰匪所居
稜稜藐姑射冰雪凌太虛以上隳括書中意君家富藏弄插架萬
軸餘云此蘇齋物攜酒來示余河聲嶽色中神采留佩琚
不知芝山圖翦割付誰與含豪溯彼美邈然懷鄉閭